

仙源詩集

二冊之二

仙源詩集

映月齋存遺卷三 古營州奉天承德李大鵬小南著

陶淵明眠醉石上觀瀑圖

醉翁之意不在酒清夢山林隨處有
倏如風雨逼人來一枕卷石睡魔走
淵明隱處醉鄉裏今是昨非高尚矣
伊誰寫作觀瀑圖繪石繪水能如此
閒臥田園不計年東籬花下每醺然
欲眠不愛塵埃地逃社偏尋灑落天
短筇扶得真輕絕紅顏烏帽黃花潔
四圍風色閃青煙一道寒聲飛

白雪倚石藉草當臥遊胸中不挂一絲愁此境真堪歌在
澗此圖真可醒吟眸天然只有清音耳除却先生無知己
白雲高妙勝滄浪空水可驚還可喜素心本是在山泉詩
酒成家又地仙潑來爽氣盈襟袖消受閒身樂聖賢流水
高山恣遊戲野況疏情傳逸致夕陽一帶下林泉歸來應
作桃源記

柳枝

金縷不成曲年年悵別離風花都惹恨腸斷舊腰肢

偶成

難覓清涼地紅塵舊有家前身應是蝶今世只憐花書氣
茫三味詩心羨八人文名猶未立廿載閱年華

背面美人

不曾回首豈真癡莫把妍嗤問畫師同是多情又多病怕
郎見面惹相思

京師題蝴蝶畫冊四首

栩栩神來十幅箋巧摹情種酷相隣披吟欲續南園句妙

絕詩壇李謫仙

冊中李問渠詩余甚愛之

點染風華上筆端
悄無人倚曲欄
干箇中識得真遊戲
留

與詞場仔細看

舞衣纔試便多情
無限春風畫裏生
不管尋芳人到否
自

將仙侶認分明

美人團扇太匆匆
合付名流指顧中
謝逸詩殘莊叟去
讓

君含笑對東風

別山題壁

旅懷題徧別山牆一曲驪歌唱未央
吟罷人家新樂府忽驚儂也在他鄉

清明感題二首

一杯涼酒奠荒煙新火還燒故鬼錢
生怕癡憨兒女問白楊何處有黃泉

客裏詩多憶去年鳳城晴日好人煙
關心無數閒花草又向東風聽杜鵑

訪山僧

迢迢車馬赴香臺為訪高僧特意來一路白雲封翠嶂滿
山黃葉護蒼苔從頭妙悟皆根性徹底禪機解愛才此客
最宜清靜地泉聲塔影絕塵埃

老妓三首

不料嬋娟不到頭芳年應悔占青樓舊裙誓浣因誰誤好
夢歡回轉自羞身著舞衣還顧影心驚歌扇已逢秋開簾
最怕人相識昔日揚州莫與儔

豈料紅顏亦白頭等閒車馬誤風流難邀舊價無人妒尚

倚新粧對鏡羞團扇祇隨明月冷狂蜂不解落花愁琵琶
怕訴離亭苦欲嫁商人却又休

但了情緣未了愁才豐貌減溫柔兩彎嫩黛還纖柳一
片芳心尚畫樓歌舞場驚方愜夢羅紈扇怯已逢秋章臺
姊妹猶無恙莫倚風流笑下流

落花二首

脉脉情依點點痕那堪顧影到黄昏自知應有風流孽深
愧難酬雨露恩生太嬌嬈終薄命脫來紅紫更無言香心

尚憶尋春客看損芳容獨閉門

略為韶華惜此身莫從香國喚真真偶因細雨還蘇夢不
倚東風再惱人老去儘宜藏艷影情多翻愛戀紅塵誰憐
絕色都埋沒水滿池塘草自茵

懷董小巖

曾將仙草賜他鄉換骨先傳起死方煎藥情深銘肺腑活
人術可到膏肓半生命仗初交挽三折肱因一病忙自顧
此身何太幸匆匆無奈又歸裝

老農

往來總未出田園怯見官人入縣門
事業一生惟稼穡桑麻百計課兒孫
春風綠酒村胥醉秋雨黃茅布被溫
莫謂勞筋太辛苦世家喬木不多存

閩邸報

封疆逐日事干戈到處妖氛自在過
主帥有心謀國少天兵長策避人多
徒聞父老思飛將未見河山奏凱歌
壯氣未知銷盡否華冠相對喚如何

憶梅

水邊籬落費相思
誰自江南寄一枝
知否先春好消息
有人懸想已多時

訪梅

謝絕繁華不受塵
孤標何處結芳鄰
慙勤閑話君休怪
我是衝寒致意人

尋梅

報道前村昨夜開
冷筇扶著莫空回
小溪囊底清如雪
不

為瓊花那肯來

問梅

和羹事罷便消閒
此意由來太自慳
儘有高情曾未識
那能無語對寒山

嘲梅

玉骨冰肌爛熳誇
甘心何事影橫斜
無須嬾入羅浮夢
又到孤山處士家

供梅

仙游詩集 卷三
忽驚座上有春風花為詩家點綴工二尺書燈三尺劍先
生此樂不冬烘

評梅

管領溪山隔歲春羣芳譜上看難真平章例有閒花草品
到仙人便絕倫

詠梅

高寒五字足幽吟開府清新冠古今思為冷香添雅韻月
華雪影寫詩心

菊友二首

籬東權為故人留相對西風憶酒甌
如此論交何礙淡有君作伴最宜秋
高情漫訂羣芳譜晚節應憐一白頭
自是陶家好知己莫因寒暖等沈浮

尋常桃李笑悠悠千古情多占九秋
但有幽香盟隱逸豈拚疎冷傲王侯
園林送酒聯瀟灑風雨催詩樂唱酬
若使淵明是宏景獨携君上最高樓

夷齊廟

孤竹有故里，蕞爾灤河隄。
水流終不息，山勢誰能低。
南亦號首陽，何處西山西。
始知名勝蹟，豈必青雲梯。
頑懦毅然起，迄今動遺黎。
驅馬從東來，入關思攀躋。
回望古北平，煙樹空離迷。
便欲居此地，清風長相携。

姜女廟二首

陡然一逕上，斜陽山海蕭蕭廟。
貌涼鐵石，心情拚自苦。
女兒姓氏到今香，碧波有恨淘終古。
白日無情照大荒，謁罷清風訪遺烈。
哦詩聊與寄蒼茫。

留得貞祠渤海東
酸風苦雨古今同
望夫石在宜珍重一

例紅顏拜下風

七律碧波二句原云白衣有恨傳千古紅淚無聲咽大荒今易之

望海

高著閒身眺遠天
望中雲水浩無邊
看他一棹歸何處
紅樹青山雁叫煙

春柳二首

輕盈新換舊腰肢
好為東風自主持
三月鶯聲花外路
一隄煙影畫中詩
縱拋紅版翻金縷
還向青樓映酒旗
莫笑